

涇野先生文集



予以為  
言行合  
二不但  
講李為  
然而作  
人品尤  
當以此  
為第一  
義

涇野先生文集卷之三十五

墓誌銘四

鄉進士程惟信墓誌銘

自予至南都講曾氏之學以求入孔氏之道學者多  
惡其苦也歛人程惟信然與其兄惟時默能相信焉  
已丑之夏惟信至鷲峯東所曰世之講學者言或出  
事物之表行或滯塵俗之中以然論之學惟言行合  
一之美乎予嘆以為知本當是時進賢章詔桂陽范  
永宇解州王光祖嚴州柳本恭休寧胡大器皆在也



馮弘肘  
的談綸  
堆風品  
之近高  
著

無不以惟信為明且勇焉。今壬辰春惟信兄弟會試  
又不第。予方以禮書屬之編。未幾聞惟信于五月望  
日卒于浙江崇德之東郵。甚悼痛焉。先是惟時心動  
南馳適與惟信偕至于家。既瘞。肄來見相對悲甚。  
曰。惟信知慧過默。又能輔默不逮。默所欲為者皆先  
能為之。默視惟信常以為心。今背棄去真心亡矣。默  
豈至手足痛哉。默父侍御岑山先生。母方夫人。生默  
及惟信二人。獨惟信蚤穎異。三歲隨任之京師。輒能  
拜跪如禮。比十歲從方先生肄學。披卷日記千言。東



白張先生過試深奇之時同學李劉二生相聚言志  
李生曰惟西涯公是冀劉生曰惟晦菴公是冀以二  
公時相也惟信曰然志不在今人所冀者程次公耳  
他日岑山先生獨坐默偕之過庭先生曰坐如尸便  
是學惟信對曰立如齋當亦是學也先生又曰學聖  
學也當自持敬始惟信是時已有所警悟矣年十二  
受小戴禮于月峯洪先生即能從陳傳立說得其旨  
授丙寅歲岑山先生巡按浙江歿惟信哀毀執禮且  
佐默議喪禮凡哭踊虞祔必則古昔擯去浮屠不用



江東先生集卷之三  
二  
纔十三歲耳。庚午入徽州府學。又師事鴈峯史先生。教以篤實之學。自是日有所進。初岑山先生在弘治間嘗論奏九庫事。歿後三年。適宦瑾用事。謂折公帑當全家。迁徙海南。家人大小震驚。惟時方十五。鎮定不動。未幾事亦寢。丙子歲年二十三。歲矣。舉應天禮記經元。丁丑下第。一病幾殆。至浙尚未醒。見默馳視至。病遂瘳。庚寅再下第。遂渡錢塘。循禹穴。溯越江。直至慈湖之陽。詣先人蓋棺之所。設奠大慟。慈人感泣。歸遂語默。議建岑山書院以昭先志。且曰。伊洛倡



即此數  
議從寬  
經濟

學程世世有人伊洛之道定性為切遂以名齋求記  
門牆然每會試輒與默料理運道謂北邊沿海開種  
可以獲粟中州荒陂蓄水可以灌田閘次空曠徙民  
可以實漕通州近京開河可以省車其後可開通濟  
卒如其議其用世之學又如此今亡矣則默之所痛  
者又豈啻手足者哉且無壽以永年無嗣以永世無  
功業以永名無多文章以永言天乃奪吾惟信使賡  
志以去則默之所痛者又豈啻手足者哉嗚呼惟時  
之痛固不止于手足則予之為斯學之痛也又豈遊



從者乎惟信號晴溪其卒之年距生弘治甲寅十月十六日得年三十有九歲初聘黃氏聞岑山先生言事之難悸死繼配曹氏都御史南峯公之次女然無子惟時以其第三子應會與立後焉女一尚幼側室管氏出惟信之祖諱祚號清溪居士封監察御史曾祖諱瑞高祖諱良世傳蓋伊洛程氏之派也是則不可無銘銘曰爾見既卓爾論亦確宜為國棟梁爾材伊碩允耽斯學邂逅江東相知匪薄謂爾克終云胡不作宜爾有兄言及淚落人誰不死爾可無怍銘



茲貞石宴宴冥漠

明崑崙處士張子言墓誌銘

嗟乎吾張子言乃止於此耶子言之病予適從南來  
子言兩使人問予予謂子言小疾遂緩問比徃子言  
已蓋棺七日當其終實嘉靖乙未十二月十日也子  
痛哭而歸於是其友曲沃李季和燕山沈元明福州  
謝道安諸君為之經紀其後事李杭州士行者燕之  
耆宿亦子言之忘年友也為狀其行實註元明以問  
銘予當倥傯中而元明數及予門悲慘懇切予嘆曰



此便  
超脫  
識見  
人頭  
恐難  
破彼

予久知吾子言，今顧不能如元明耶？初正德戊巳間，予言與華容孫世其謁予於宣武門東，予睇其器宇，聞其詞說，即訝其非尋常士。越數日，乃撰擬子七篇以獻。予覽之曰：子有荀況賈誼才力，惜不自文中子出耳。子若登甲科，當以文章鳴盛時也。他日順天大比，試諸士，令各負卓犖以進，而跪聽題子言，使家負至府門，且進揮其卓犖，即使詩登進士科，為清要官。詩亦不能為也。遂罷棄舉子業，不務遊情高尚。於是博藝六經，兼覽司馬子長、班孟堅、群史，皆能擬其英。



含英咀  
華駕軟  
荀曹其  
系緒也  
蓋處士  
白眉子

華探其旨要著為文詞亦復爾爾而其作賦撰詩意  
出言表依稀乎入曹植之室而升蘓武之堂矣謂范  
曄晉書甚弱也力欲重纂已有卷次而未就然其志  
亦遯矣比孫世其登進士仕為提學副使有盛名予  
一日曰子言如少貶以從科目固不逮世其耶然子  
言自負軒昂初不謂已有所少也是時仁和江景孚  
綏德馬仲房汝陽林懋易皆翰苑之良也重子言之  
器識樂與交遊商訂文物其乘興偶題意得句出率  
為人士傳誦乃又敦慤周慎陰重不泄故一時縉紳



可有宗  
法湓頭  
石髓

大夫多口褒嘉而子言雖無魏科臚仕之登綽有令  
聞廣譽之傳則予所訝於十數年之前者於是乎驗  
也嘉靖甲申予謫判解州子言約問予於解有詩曰  
他時定訪王官谷流水桃花石徑深越年而子言果  
至相與遊谷其景也符其詩不爽予笑謂曰子身未  
入谷之前而詩如入谷之後何耶是時任丘袁伯昭  
方為陵川令季和與其兄仲商方家會聞子言至皆  
走迎留館數月而後離晉子言於是緣中條陟太行  
廣覽黃河素汾凡唐虞夏商之墟稷契伊傳之故皆



入之心目而寄之篇章矣異日予改官南部子言又  
渡大江問於金陵因訪采石三山予有詩以贈云當  
年謝李心何在此日張詩未肯還又曰萬里青天星  
日繁如何落却在中流蓋自此東遊吳越登越王之  
臺探會稽之穴舟回維揚錄途中感遇數詩馳辭於  
予而後返予甚憐其壯懷豈知今日之永訣耶嗚呼  
傷哉抗州言迹其為曄乎其不可及者不媚不慢不  
狂不僭不驕不揚不諛不屈不肆不拘春風不足以  
融其情醇酒不足以味其況其尤長者退然若愚屈



指交期於今二十霜而平日之與居曾未聞其訛一  
人之闕失其錮癖酷嗜山水每興到獨跨一蹇驢信  
其所之雖中途遇雨不少懼惑風致玄雅蓋度越一  
時乎或壯其揮金如糞土視齊奴猶几上昇斯特曩  
時俠客之雄耳烏足以知崑崙哉遂議韓退之之論  
孟郊獨推一寒士而漠遭際之難謂命也有性君子  
審於自處而已斯其言殆予之所傷者乎杭州又曰  
子言詩自陶謝以至李杜自先秦以及西漢遺稿咸  
在漚漚乎滴滴乎雄渾之氣英偉之才有識者見之



當自知矣而達之所重固不超此斯其言亦殆予所  
傷者乎初子言姓李氏故北平人也誕生之辰有教  
其先父母者此兒有奇骨非爾家所能畜因歸諸張  
氏張氏者衡州同知東窓張君字也子言父衡州已  
二十年而衡州歿又十年始知為李氏子也抵面踊  
足悲號不欲生者數月已而訪其先父母之墓拜李  
氏兄弟得二兄弟焉遂因二兄弟哭諸其先父母之  
墓痛卧荆榛不能興既歸欲有奏以復姓謀諸執友  
執友曰衡州如在或有後李氏或無子也吾不遏子



言今子言李氏兄弟且二人爾先父母又有孫也張氏無尺寸之孤汝年已近四十矣乃遽欲割張而益李衡州之所以腹汝顧汝長汝教汝付業於汝以致有今日者安在哉於是子言拭淚遲疑三年而後決故今為張氏云初名學詩謁予時予去其學字而字之以子言其曰崑崙者所自號也配郭氏生二女長適興濟侯孫興孫次適寶坻朱雲鶴皆邑庠生男子一人名繼留館季和兄弟時買妾曲沃所生者也今已二尺餘矣其妾已歿繼尚為仲南所撫育云子言



生成化丁未得年四十有九。少二十日不五十也。寔  
於東窓張君之側。是宜有銘。銘曰。吁嗟子言。初稟  
孔敦。既有懿覺。克開厥樊。探經涉史。迅獲其門。亦父  
修詞。無枝葉繁。身雖窮處。名比璵璠。士林咸穀。凡庸  
難捫。摘詞製賦。爾雅可援。遨遊四海。有志本根。天胡  
不壽。行踣咸冤。人誰不死。死多泯焉。爾年半百。千載  
可存。銘茲貞石。後當諢諢。

湖山處士胡伯行墓誌銘

休寧人胡伯行。病於蕪湖之旅寓。其弟蕪湖學生大



想寬處  
士之風  
津三口  
吻人古  
而文亦  
古者  
人之制  
行齊第  
最先乃  
致斯人  
實齊手  
親拂手  
長人也  
足以誌  
矣

器方學於鷺峯東所即馳歸與其兄大同涕泣以侍  
湯藥閱月竟不起乃號哭棺斂舁歸休寧殯之渡林  
既卒哭持葉主政狀來曰吾師而知湖山先兄亡乎  
當病革深以未獲見吾師為恨曰死為我問一銘焉  
即瞑目矣予為之悼嘆以問其平生大器曰家君木  
齋處士生四子先兄為長也幼即穎敏年十二三家  
君携賈於蕪湖教以義方即能成其志未幾遂與弟  
大周大同請代家君理賈事輒操奇贏於是家君曰  
享優饒不以事物經心者今二十餘年也其值歲時



節令或家君壽誕必率諸弟遙拜以致祝有鮮物輒  
遣人以獻不先嘗歸省必以期他日聞家君痰疾作  
哭不絕聲旦即冒暑歸視焉常侍吾母適外姻吾母  
中途感疾時雪甚躬扶肩輿以步徙吾父母欲作生  
墳乃極力營辦務求於堅久間仲兄大周病於蕪湖  
則又足步無程以視雖風雨亦不避至破其足大器  
惜之則曰但知有弟不知有足耳嘗謂諸弟曰人生  
在勤儉但買之人糴賤販貴惟利是逐不知豐約命  
也取予義也第輩其勉之與諸弟約不分爨曰古人



尚九世同居乃吾一父母兄弟何忍離析乎及大器  
年且長則曰吾先世率以儒術顯汝當棄商業儒以  
成父志大器對以年過時曰有志者事竟成以婺源  
仁山江先生知名士也即遣立其門及獲籍無湖學  
生又命之曰吾第今異凡民矣湏為第一等人及大  
器述吾師甘貧改過之教則拊掌曰此真為聖賢切  
要功夫汝服以終身可也遂扁其堂曰孝友於是姻  
黨鄉閭皆沾其恩誼貧苦顛連者皆被其資給而僕  
御廝役無弗飽惠而凜威者矣至若鎮重以却流賊



之擾救疫以正傳染之俗雖顛沛亦有所見焉於是  
邑令汪徐羅招諸公水部陳張黃鄭諸君聞其賢皆  
致禮貌焉而先兄一無請謁或難之則曰昔人非公  
事不至偃室大用顧不能如滅明邪嘗築室蕪湖日  
接鴻儒聞見日廣又為民情十三策上之邑宰彭公  
類多可行蓋先兄器識弘朗標格儼偉敬恕孝友尚  
義踈財與人為善尤其恒性少暇觀覽書史一有悟  
處直至夜分又精於醫藥濟者頗多雖負販俗子咸  
稱之曰胡先生云先世遷自婺源考水代有名德高



王父諱懸、曾王父諱裕、王父諱儼然、傳至家君皆累  
葉積善著德、霞阜先兄蓋有所自乎、歿之日、含淚謂  
愚兄弟曰、汝等須孝養父母、和敬兄弟耳、嗚呼、尚忍  
言哉、寔嘉靖庚寅六月十五日也、距生弘治五年月  
日、享年僅三十有九、配許氏生子三、曰佛寶、曰道寶、  
皆夭死、曰儒寶、尚幼、二女一字發源、葉舉人天榮之  
子、一尚幼、嗚呼、痛哉、則吾師何以銘吾兄使之不歿  
也、涇野子曰、斯人也、豈惟彼不獲見乎、為恨予亦以  
未見斯人為歟也、聖天子方廣開賢路、求賢才於



相夫以  
成忠課  
子以成  
名謹闢  
閩之清  
規識居  
師之大  
義且元  
熊字顯

鬻販岩穴之間斯人而在必見用於時矣惜哉銘曰  
治行以儒隱名於商克財克義克孝克兄我相斯人  
古士之良生雖未壽歿則永滅爰銘貞石千載勿亡  
明監察御史岑山程君之配方孺人墓誌銘  
勅封孺人方氏諱孝真者前監察御史岑山先生歆  
人程君諱材之配今簡州知州默之母也初歆有結  
林與岑川相牖一水世締姻好方氏迂自羅田至濟  
南太守以宦業顯于時其兄美興公以貲財雄于鄉  
濟南公試岑山君而奇之遂以孺人許歸焉孺人自



流  
三  
平

清  
廉  
一  
至  
此  
乎  
可  
入  
古  
傳  
俾  
埒  
古  
人

幼警穎既歸于程力佐家務費及粧奩岑山君方廩  
謁師方不能具贊乃即邸簪珥不斬也舅清溪公治  
家嚴且儉孺人恒節縮滋益之家用饒裕及岑山君  
登弘治丙辰進士授推汀州過家歸省偶疾大作孺  
人不解帶者月餘疾始克瘳赴汀州任越一年而孺  
人始克抵汀即不肉食以相其廉他日岑山君偶出差  
愆期衙內絕糧數日比歸孺人嘻吁無言暨安平三  
子不敢仰視亦無言岑山君獨撫安平問曰汝餓數  
日乎何不呼別衙一饋孺人曰君以廉介自持身以



米槩自誓。婦無外事。令不出閫。名節所關。生死罔計。又胡兒女之恤耶。岑山君亦嘻吁無言。凡在汀二年。日事紡績。畜養鷄豚以充日用。壬戌春。岑山君簡授監察御史。孺人秋亦赴京。時默然隨侍。出就外傳。歸即課讀。率至夜分。紡績以伴居。二年。岑山君清戎浙江。孺人遂挾默然南旋。正德丙寅。岑山君卒于慈谿。孺人傷痛幾絕。乃遣默入泐舁柩。喪事既終。即訓二子讀書。無別營。為已巳春。逆瑾積憾。岑山君嘗發奸謫。流海南。孺人遣默走京師。語以委命安義。然亦卒。



得以解。因諭默曰。諫官以直得譴。固所甘也。

聖恩汪洋。猶得見宥。非大幸乎。汝輩努力以答至恩。及茲壯年。須勤學精業。親師取友可也。遂遣二子師事姚江史先生。厚其禮幣。又擇程蘿山者以為之友。雖拔簪易着。亦不介意。庚午默然同肄黌宮。方值秋祭。偶以覲歸。孺人曰。當祭先師。何以覲為。無師是無親也。聲色俱厲。二子恐懼。復出追祭。丙子然舉應天經元。乙酉默亦舉應天經元。是時岑山書屋亦成。孺人洒淚泣曰。汝父九泉自亦或少瞑乎。未幾然會。



試卒于嘉興之石門傷之甚未幾然婦又卒又傷之  
甚至丙申秋乃一疾甚殆一日幾不蘇既蘇語默曰  
汝父既亡汝弟又死今止遺汝汝得祿養吾心少慰  
昨若菴遊汝至三公吾不見也去冬會試又遣人赴  
京再申前命故默下第遂就銓棟得守簡州走人復  
命孺人已卧床矣七月默歸拜床下孺人按摩冠服  
曰汝父死後不虞又見此也喜更少安越一月病轉  
劇遂以八月二十二日告終正寢享年七十有二歲  
生男子五人長煥次貴次即默然次照照即安平煥



貴照俱早殤孫男子四人載吉太學生載道載嘉載  
考孫女子二人曾孫男子一人孟生孺人愷和貞懿  
勤敏寬裕事勢膠糾不振不撓適中肯綮上事舅姑  
得其懽心四時嘗祭必虔必拜屢遭喪變觸事哀慟  
目因失明其處宗戚必厚見人疾疾急難貧困必救  
必施不憚再三嘗有漂水瀕死者募人拯之得生家  
僮婢妾保衛極至默擇嘉靖十七年戊戌冬十二月  
二十一日奉孺人之柩柩岑山君之壙合塋焉使其  
子載吉持舉人李杲狀問銘銘曰 猗嗟孺人結林



母貴以  
丁官母  
德亦徵  
以子才  
跡宜人  
訓迪與  
太守公  
表樹其  
實淑媛  
之遺乎

攸設倒粧佐家。助廉斷肉。他或絕糧。閉閭撫育。冰蘖之操。鄰亦不告。頻遭殷憂。喪明以哭。相夫執法。教子以牧。婦道母儀。女流之淑。宜爾子孫。傳芳域域。

誥封太宜人李母康氏墓誌銘

太宜人李母者。今杭州府知府章丘縣李端甫。見之母也。姓康氏。父林。鄉閭信服。母孟氏。太宜人其仲女也。克閑壺誡。及笄歸。贈奉訓大夫南京戶部員外郎李君秀。時見大父梅。祖妣胡氏皆卒。太宜人以不逮事舅姑。惋恨。每歲忌旦。恪修蘋藻。贈君少為章丘諸



而孤孀  
貧苦則  
難易有  
差別矣

生家緒清苦夫婦鷄鳴昧旦綢繆勤生懋勉德義嘗  
夜誦齋中雨頽隣垣有艷女子來贈君儼容麾拒女  
子進曰深夜岑寂何復慮人曰鬼神昭昭無知乎女  
子慚去後以他敗語人曰李秀才真佛也故同輩呼  
贈君為真白君云家為馬戶徭長群戶有負津助者  
為代其筭嘗挾冕赴試歷下時有應試生踞遺十金  
拾之即標記候諸遺金所竟歸應試生應試生請中  
分以謝不受素好賓遊凡饌具枵櫬太宜人必躬必  
至雖桑蓬貧窶姻族單困者必勸周恤之贈君



穩遺孤。鬲鵠方稚。嬰撫之成立。與完室家。贈君歿于  
正德己卯春。太宜人發冑擊心。蔬糲不御。酒肉者終  
其身。其閑居服被。縞練殮餌。麤薄躬領。小姑諸婦。職  
專紡績。臬緼僅供苞約而已。恒以絀繡織妙為戒。贈  
君嘗為冕。改造深青繒衣。冕慚不敢衣。及為諸生。猶  
衣弊袍。若衣鮮麗衣。則顏輒頽赭。皆太宜人化也。  
其教諸子女。少有愆失。輒楚撻之。不少寬假。至僮婢  
小過。則又勿問。嘗訓冕曰。汝父蹇躓不逢。吾嘗憤懣  
汝。其夙夜篇典。庶幾早拂光李族乎。冕竟舉正德丙



想此亦是實事

子山東鄉薦太宜人喜曰是足旌嗣父志矣。比春試不偶歸。遭潦水暴至。一室蕭然。太宜安無憂色。且解諭之。冕乃杖淚携同志往。業長白山醴泉僧居。癸未再不偶。家僅小磨一座。太宜人竟捐鬻之。以資國監裝費。乃登嘉靖丙戌進士。太宜人又喜曰。吾為人母者事終矣。此不可見君子地下乎。丁亥冕補魏令。九月板輿迎太宜人。就養官閣。見冕洞謹廉白。乃慰之曰。守官若是。庶不忝所生。惟克有終爾。辛卯轉內臺。癸巳春左遷倅鈞州。甲午轉倅永平。乙未擢南京戶



部負外郎是時太宜人七旬矣。見乃留宜人鄭氏侍養。獨將二僮之官。丙申閏十二月恭遇。

聖上誕儲覃恩。太宜人始得。

錫封。乃嘔喻陶樂曰。此吾教子之效也。丁酉冬。擢杭州知府。見之內弟來南。致命曰。去語吾兒。吾幸無恙。毋以我故迂途還省。郡守剖符專城。重寄也。適行以慰民望。見乃先郡蒞事。尋遣史皂往迎。并取諸孤太宜人堅不就迎。呼語鄭宜人曰。守勞旬中饋。詎可虛也。婦第往。宜人乃偕孤子暨坦之二孤來郡。留長孫。



黃中見見太宜人不就養益愀戚不寧冬十月得太  
宜人患滯下良瘥家音即遣二孤歸省時太宜人亦  
遣黃中之郡言起居食飲安吉狀慰見思見以黃中  
口述符徃言雖稍開悅然烏烏縈懷作惡方候解凍  
䟽請終養而哀訃至矣卒嘉靖十七年十一月二十  
七日見所遣問安二孤亦不及生面抵家已瞑目二  
日矣端甫之政方大行于郡杭人咸惜期月而去千  
里忉怛若奪哺乳云太宜人生成化元年十一月二  
十六日享年七十有四子男四人長成殤夭次即見



娶鄭封宜人次昇娶類少坦娶王先卒女子子二人  
嫁為姜宗仇仲信妻孫男子八人黃中娶魏美中聘  
謝冕出執中娶華靜中未聘昇出建中娶麻虛中娶  
崔致中尚幼坦出孫女子八人壻徐更化韓鯨張大  
衍張汝南尹自政馬本吉劉某冕卜某年月日奉柩  
合贈君塋于某山之兆冕嘗從子游也持蘓州舉人  
黃省曾狀間銘銘曰 猗嗟李母素履戢穀既配  
贈君其人如玉夜拒奔女展矣慎獨代算群戶遺金  
盡復當其刑于宜母之淑周貧濟急惠先弟叔紡績



此亦暢  
曉女誠  
孺人中  
不多得  
者大率  
驕奢淫  
佚女子  
恒態如  
此乎憫  
福中道  
於冠被

率家縞練是服、貞慈雙敦、閨範清穆、宜有端甫、趨道  
孔速、蒞杭未久、士民稱福、澤方覃爾、云胡不錄、用鐫  
茲銘、孫子莪莪、

封孺人范母何氏墓誌銘

孺人范母何氏者、桂陽何泉公仲女、浙江布政三峯  
范公汝載之配、貢士永襄舉人永宇永官學生永宋  
母也、字官嘗從予游于鷲峯東所、壬辰會試不第、字  
過南都、夜辭予以歸省、比甲午予再至南都、而襄持  
字書狀為孺人問銘矣、字曰母天授剛明、如正人端



允宜  
然可訓

士見事能斷言笑不苟勤于業作咸中繩矩自歸家  
君祖妣太孺人尚在也母事以真率是非可否無少  
阿護料事興廢一失一二祖妣甚敬之常稱以理家  
不爽范氏五十年来當昌于此他日祖妣疾母晨昏  
侍無少懈及歿哭踊哀痛落淚如雨鄉黨以為古孝  
婦不過也家君已未會試不第卒業南雍三年母躬  
事井曰暇則紡績織紵不輟以資覓僕會友之費見  
家君色少失平惴惴如不勝家君出入禮闈十有四  
載然志不在溫飽也母識其意未嘗以祿利進勉家



君登進士授行人陞南道御史母隨宦兩京殆十餘年一守布素不以亨遂之日少動華麗之念家君出按江西與逆濠及鎮守畢真許奏被逮下獄者二載母燃香籲天陰祈無恙慰祖妣曰無已大憂昔侍夫子每談忠孝擊節嘆賞今日之事可謂下不負親上不負君矣聞者竦服以為真三峯公之內助也其誨不肖輩顓以義方愛無差等均若鳴鳩或有違忤輒稱鞭策無少假貸不肖輩凜凜畏如嚴師正德間邑被粵寇字奉母避去入山行至銀嶺道有餓芋疲



饋不能興母拭淚酸辛命宇扶起且出囊糗以濟其  
困則其所以教不肖輩者不獨言語之間而已其接  
諸婦雍肅並行恩愛雖或有僻終非恒性門內斬斬  
罔有縱逸或品第諸婦逆順之節咸中其實無不允  
服母在家時間有不堪其嚴者及去家之日長少便  
至達和然後人人欲母恒在家也至于上事伯母旁  
處妯娌下侍姑女姪孫遠接宗黨恩禮甚篤雖貴顯  
言笑衣服常若平時其馭臧獲亦如人子勞逸飲食  
俱有節法皆出心畫衆皆効力若乃施與之恩博及



孤貧鄉人稱曰見大不懼見小不欺何夫人之謂也  
固宜常視久履以臻遐美今嘉靖甲午四月十六日  
遽以病卒距生成化丙申年纔五十有九嗚呼痛哉  
母生字兄弟七人二弟少折裳娶鄧氏字娶朱氏官  
娶朱氏繼蒙氏宋娶黃氏至有孫男子時敵時救時  
敷時敷時敷五人曾孫男女各一人乃尚未能有一  
名德禪補隱闡以為在生悅使其憮然賁恨以歸擇  
是年十二月日塋母縣東二里浙陂崗嗚呼痛哉當  
母之初歿也字膽喪魄落欲即死者數數人咸苦其



此定  
又一節  
定有大  
誠見者

愚而不肖至情非人所盡知也。所可以諒宇之心以  
為吾母銘者莫如先生圖矣。嗚呼痛哉。涇野子覽其  
感動懸書狀。泣曰。伯寧而遭此大變乎。昔者伯寧之  
在大學也。聞進賢章宣之遭父忌。日哭晝夜不食。遂  
與定交。今躬被失恃。當其情可知矣。吾為伯寧誌其  
母孺人而銘之。銘曰。鮑桓提甕。孟仇三迂。歎母主  
績。石姬英英。斯風淪謝。今千百年。有如范何。遐追其  
真。侯孝侯順。侯慈侯嫻。不憚于道。執事檀檀。既有女  
度。亦弘女範。夫成厥勲。子以善傳。緊嗟孺人。素履孔



唐母任氏墓誌銘

唐母任氏墓誌銘

荆川一代文章鉅公也  
廼叩其源則自任濬其源任亦非凡女流矣此  
泥途凍凜應德自僦肩輿卒力不具或步履居鶯峰  
持古菴毛式之狀垂涕泣來問任銘時雨雪連日夜  
已丑應德舉會元成進士文章行誼聞天下予從縉  
紳中敬其名矣辛卯冬應德身衰經偕其姪舉人音  
且興人任公儼者室於工部侍郎沈公暉之妹於是  
生任為信陽知州唐君國秀之配而有應德焉嘉靖



志定而  
出之容  
與德像  
不多得  
者宜也

三日無人知每語及學明白洞朗脫落塵土超如也  
則嘆曰名之茂者其實果盛乎閔狀任之歸信陽也  
舅給事中曾可先生已即世姑周孺人性嚴整任事  
之婉怡有則承意命惟謹一錢尺帛不私藏姑嘗女  
女於有吳氏即傾已粧奩畀小姑不以勞姑念及姑  
卒相信陽每館於外身豆羹糲飯腥肉不一御掖內  
政三十年衣裳簪珥未嘗增於嫁時非病困輒紡績  
補剝一布被經十年其誨諸子女雖慈劬周洽而規  
訓尤嚴應德幼好弄鴈色曰兒尚有童心乎應德或



其子以  
振起于  
時也

晏歸或使氣則厲色曰兒將為若子乎將不免乎他  
日慮應德及正之多病且弱也復贅於信陽以廣嗣  
得子女則喜曰若女吾女也若男吾男也提抱鞠育  
踰於其母鄰嫗日往來者莫辯其非所出焉性好深  
圓靜居非歸寧及掃墓不輒出女姻或招迎者輒辭  
解之信陽試南宮屢不第畧不色愠及應德會試魁  
天下亦不色喜於是信陽屢稱之曰大丈夫寵辱不  
驚者亦不過如此耳予然後知應德所造如今日者  
皆自於此則嘆曰流之長者其源果大乎乃應德滿



自悲痛曰。嗚呼。吾母相夫三十年。不及享其封。教子二十餘年。而弗食其報。其病也。方藥委諸塗人。而不暇擇乎其良。其卒也。含襲棺歛。辦諸水濱。而不克盡乎其心。人生有涯。此痛無涯。順之多孽。天不以戮。而何使吾母至於枉也。予慰之曰。應德節痛夫。吳自季札言游之後。雖世有聞人。然皆未有能並其盛者。應德篤學好古。即力進札游之舊。以為母任於千萬年顯者在是矣。任生成化辛丑某年某月日嘉靖丁亥六月六日。隨信陽行以痢疾卒於天津舟中。享年



五十歲子男二、應德娶叅政臧公釋孫女正之聘、應天經歷王君文炳女、女四、長適鄉進士董士弘、次適冠帶書算劉大中、次適無錫庠生王立道、次納丹陽賀鏗、庶男一女、一應德將卜壬辰年某月日歸窆於黃塘祖塋之次、銘曰、羊叔禘之孝、胡澍修之學、皆常之先媛也、其歿已久、乃今於唐任而再見乎、況其子材旣大魁、志欲登岸、吾知任其不死、雖千萬年並明日月乎、煥也、

劉母徐氏墓誌銘



一摺布  
婦女躬  
行孝義  
師法古  
人而出  
言款  
乎中道  
也宜獨  
天賜之  
明乎注  
野言可  
憑則銘  
永傳  
矣

高安舉人劉子實諱文光衰經跣足走大雨中垂啼  
泣謁予驚舉東所曰光罪惡滔天乃致吾母死光不  
即死者圖所以弗死吾母者惟先生之銘耳嗚呼痛  
哉吾母姓徐氏諱經貞縣之領頭望族外大父諱美  
器由歲貢任唐縣訓導配外大母劉氏吾母生焉自  
幼沉靜寡言咲既笄歸家君常侍先生父遊宦母家  
居事吾伯母甚恭光時方三四歲猶記坐母膝前見  
伯母或橫戾而母適然自得先生父致和州之政家  
君以孝養聞邑中吾母有力焉王母黃孺人性簡嚴



諸婦難當其意而獨愛吾母其病也吾母視其飲食起居惟謹恒從門隙中伺顏色見王母意適則喜見眉宇間或弗怡蹶躅自咎若弗容其沒數十年矣猶追思之嘗臨飲食曰此吾先姑所不二也輒泫然淚下事家君能承其意而有禮光年十二即遣游學數百里外或曰何遠置兒邪曰此吾所以愛之也光稍長知學常夜誦讀必飲食之或稍懈輒朴敕焉光由是不敢怠于學性喜淡薄若諸子能致賓客則又豈為之具平居好令兒輩誦古賢人事又能以意論事



得失多中理。家君一日談至祭仲雍糾事。吾母曰其女云何。家君曰彼以謂父一而已。曰夫豈有二乎哉。家君曰然則黨夫殺父與。吾母曰父與夫一也。女宜諫。其夫不聽焉。則死之家。君莞然喜其能同儒先論也。終日坐一室。足不踰戶外。雖病中猶辟纊不廢寢。恒在夜分。善節縮。出入家視昔漸饒裕。其居妯娌和而不昵。淡而不踈。鄰里有乞假能周其急。雖待臧獲亦有恩。吾族千餘人咸稱女德焉。若吾母者豈不宜得遐壽。乃若是焉何也。嗚呼痛哉。去年秋先方赴春



官屬毋微疾不欲行。母曰：我已瘳矣。且顧見爾之有力也，乃及于此。為無窮恨乎？嗚呼！利達者學士咸知為外物，然胥奔走以求之，則猶曰：慰父母云爾。求之不能得，又因以廢棄人子之禮。生不能視醫藥而沒不得以親棺歛。今雖長號大慟于數千里之外，竟有何益？嗚呼！痛哉！吾母生六男子，獨光與季子文克在。餘皆不育，故母少緣子悲。恒多病，今竟以是沒嗚呼。母之喪子也，悲之，以至于死。母之死也，子顧覩然以生乎？嗚呼！痛哉！所可為吾母弗朽圖者，獨歸心于門。



下幸念天下爲人之子有窮而可憐者如此肯賜之  
銘豈獨弗死吾母亦所以追光不死之罪于萬一也  
母生成化丙戌七月四日終嘉靖壬辰三月二十日  
壽五十有五歲將以是年十二月九日卜塋月楮之  
巔子男二人長即文光娶譔氏次即文亮府學生娶  
胡氏女一人適山會溥淮國子生孫男子七人曰汝  
愚娶譔氏曰瑤曰琰曰琔曰玦餘幼孫女一人適譔  
歡曾孫男一人家君諱從中字能翁和州同知圭峯  
主人之季子也予嘆曰傷哉子實吾爲子誌而銘之



銘曰 有媛劉徐女之良溫惠任慈蓋匪常半百又五亦非夭遺德于子如文光未論踐履類徐積貺狀令人皆悼傷此人行且師魯閔當使劉徐日月明

楊節婦趙氏墓誌銘

節婦都人也姓趙氏諱叔寶年十六嫁為太學生都人楊生鏞之妻生歿時節婦年纔三十一側室生子源未幾亦歿乃零丁孤苦操冰霜至老死故都人稱節婦云天性聰慧能讀小學孝經內則烈女傳及考古圖論語諸書屬辭造語婉若士流左右平音能



運筆字法亦適勁若剪裁刺繡雖良工弗及也然姿容端凝動有規矩四五日不見一笑顏室中女母亦敬憚之既歸生生之父為河南叅政杲母為宜人某氏有家範節婦亦能奉訓不違得其歡心賓祭皆手辦與生相待如賓相切磨如朋友生所欲行皆先治脫有講說之家呼茶茶至呼饌饌具極其精潔以娛賓故生業無所荒行無所虧考於提學則魁順天考於太學則魁天下都人士常並諸程篁墩潘南屏而節婦之名諸縉紳家亦無弗傳誦者矣然累產不育



止存一女而生年且壯乃多選買良家女為生妾媵  
若有所育即愛護如已出弘治丙辰生病癰疽節婦  
禮醫請藥心力俱瘁每夜必焚香禱天請身代生然  
生竟不起而節婦號踊水漿不入口者數日比至葬  
毀瘠骨立戚姬鄰媪罔不悼惜乃自是純白至老不  
御彩色裳衣然生既歿家道中替而楊趙二氏都下  
名家戚黨甚衆壻則蔡憲副需甥則閻進士溥甥壻  
則滕洗馬霄汪少卿玄錫王舉人應麟萬舉人奇元  
從壻則李方伯瑋廬長史銳周縣尹綽皆母事節婦



於是數家婚姻有資、喪葬有賻、伏臘有問、慶吊有儀、罔或少失、居家勤儉自立、門庭斬然、二尺童子無故不至、中閫而又課田有式、篋賈有籍、身雖不出閨閣、田卒貨兒皆以時辦、不敢隱欺、日有滋長、是以財不匱用、禮不絕親、生雖歿而楊氏不衰、其兼幹趙氏之蠱、旁理蔡氏之家、或以比諸健丈夫云、閭進士嘗會試不第、節婦嘗涕泣數日曰、吾兄弟皆歿、吾冀汝一第以得會晤、吾姊乃不我肯、遂將無秀才、懶讀書耶、於是進士亦感泣努力、比既第、則又誨以為政之道、



與誨蔡憲副同故諸親黨之有官政者或以疑事滯  
獄來問節婦無不與立剖中合理有時手答諸甥壻  
書語皆懇到可誦又善識雜物凡親黨間得金玉珠  
石器件及古圖畫難別者必皆曰往問楊姨則即與  
定辯真實或持以示博物君子無弗以為然也晚歲  
日閉戶誦法華楞嚴觀音諸經又手寫數帙以自娛  
諸甥壻見或諫之則對曰此非作善事耶節婦之父  
諱昂通政司叅議母潘氏封宜人長兄竑為光祿寺  
卿次兄靖為鴻臚序班初通政公與兵部尚書程襄



毅公信順天關公鐸及生之父叅政交以文字義氣相許可故通政之三女長嫁關公之子序班璘仲嫁程公之子敏行而節婦乃以歸生則節婦之道所聞諸父兄姆師之間者遠矣節婦生天順甲申九月十八日卒嘉靖三年二月二十日得年六十一。蔡憲副及關進士旣為棺歛將以某月日合葬順天昌平澤陂太學生壙憲副又為狀偕關進士索銘且曰楊氏無後而族遠需受夫人之恩德比於父母云銘曰節常敗於無依禮或廢於旣貧乃節婦儉不忘度貞



不絕親。丹心白首。生死良人。此豈獨天資之美。亦其  
學力之貞。言彼修身之士。視此乃或有不純者。然後  
知志之貴。勇而道之貴。仁耶。



涇野先生文集卷之三十六

後學北地李楨

墓碑

嘉議大夫南京刑部右侍郎周玉巖公神道碑

公諱廣字克之別號玉岩世居昆山吳川鄉司馬涇

今隸太倉州人也公之始祖曰福三其後譜逸莫詳

至諱子詳者生海配鍾氏生文字以章配陸氏是生

公者也海文皆以公貴贈刑部右侍郎鍾陸皆贈淑

人公生而英邁迥異群兒長舉進士觀政兵曹觀大

涇野先生文集

卷三十六

一

公名實  
感懷中  
外推較  
而本之  
學問中  
來諸簡  
關不易  
輟自麻  
重俾臨

卷三十六



莫念遠  
人也

不發人

私書等

若小賊

而人之

心術可

見

司馬東山劉公直道而行，即砥礪名節，不諂流俗。既授知莆田，道出閩省，例謁鎮守，時率行重賄，公徒手無贅言，動端疑，爾乃廉正自束，不發人私書，兼以安子賤為師。日禮耆俊，用資啓沃。周爰詢謀，下及庶民。莆中利病，罔不聞悉。諸所興革，咸飫人心。方及期月，母卒于官，貧無棺殮，鬻內釵釧，始克舁歸以葬。服闋，改知吉水。時贛州流賊自大帽山突出，路由雩都縣，抵新淦，燒永豐縣，勢甚猖獗。吉水丞薄惴，欲奔竄士民洶洶，亦無固志。公面加叱責，要盟神祠，衆志始定。



戮力禦賊賊乃潛師踰境邑賴以完厥後潘臬上功  
督府、漏公不及公亦湛然正德壬申以天下守令治  
行第一擢浙江道監察御史是時佞倖錢寧居中用  
事巨寇劉七輩暴戾恣睢橫行江淮河濟殺人盈城  
野公抗疏四事一斥喇嘛僧宜授四裔以德魑魅  
二遠伶人賤工至引唐莊宗事以譬三重國本以廣  
儲嗣不得育螟蛉義子如宦豎蒼頭錢寧者其投刺  
皆書曰皇庶子僭擬

東宮之罪權髮難數四嚴軍令言諸禦寇者皆無志



而川原白骨積如丘山，䟽入寧大恚幸。

上不深罪，止謫懷遠驛丞。寧陰使刺客順道而狙，遮刺公。公微服出城，變易姓名，被衣道流，誦觀音經，枵腹三日，乃得脫歸。既抵懷遠，奉無館舍，寓居佛宮間，與同志泛崖門，登西樵，跨羅浮，夷猶白雲之巔。然驛通蕃夷朝貢，每外使至，咸慕公名，或以奇貨為獻。公峻為拒絕，使益敬憚。甲戌，移知建昌縣。是時宸濠將叛，謀復護衛軍伍，遣使絡繹道路，肆行征求。每經建昌，公輒裁禁，民賴以蘇。丙子八月，吏部擬擢憲職。



寧內構陷批根往事復謫公行寨驛丞行寨在深山  
叢棘中亦無驛舍居民數家靡所寄止乃誅茅為屋  
依山面沅日與其徒講學論道暇則登陟崇岡俯臨  
幽壑超然遠覽無所顧慮辛巳之夏

武宗既崩

今上即位首舉遐遺詔復公御史尋陞公江西按  
察僉事公至斥貪吏疏滯囚去淫祠放尼姑數百歸  
之宗市其菴以業公費不以煩民明年轉九江兵備  
副使尋改提學其綜理學政躬自為範誨人務明義

尚德行  
誠提學



第一事  
但恐舉  
不實

利及其校藝必參德行以為高等時

天子勵精苗治凡藩臬守令治行卓異特降爾書褒  
嘉通天下止十三人公與其一焉嘉靖乙酉陞福建  
按察使閩故多盜公至分部所屬伐其渠魁民庶用  
妥乃又申敕憲章釐革蠹弊凡會讞獄齋戒禱神開  
釋冤抑叅伍之下咸得其情刑是不濫公之始至鎮  
守遺金公漫不省置諸庫府比鎮守窘甚復返其金  
因以細條解諭鎮守憚服其後有中官督織造者倚  
勢作威橫索民財有司莫能抗公移檄禁遏及入省



城繩其奴從不得侵牟於民民遂形諸歌謠按閩三年擢右僉都御史巡撫江西爾乃振肅風紀百僚嚴憚其商論政務虛心延訪雖在屬吏亦多聽納其有才賢亟為薦揚于時富室豪右多買民田遺其原稅民用大困乃下令稽覈且歛奏

聞豪右不便交口騰訾當道者遂援裁革例罷其巡撫公因乞休

上雅知公賢且命吏部擢用己丑冬遂陞南京刑部右侍郎越二年辛卯八月某日以疾卒于官舍距生



成化甲午正月某日壽五十有八歲公之寢疾時當  
大比其三子皆應試留都獲侍湯藥未屬續前四日  
公令趨治後事且曰吾平生間關百挫屢瀕于死而  
不死今死於此命也爾等慎勿俯仰當路以乞葬祭  
神閒氣爽怡然而卒初公少即警敏年甫十四父贈  
君卒卒後五年公籍邑庠家貧無所干業僦屋城中  
陋巷家徒四壁立所配張淑人躬勤紡績以給饔飧  
每隆冬大雪身衣大布袍無著陸大淑人方就養伯  
毛一之公每往省草屨徒步數十百里竟曰或不得



一食公乃益激昂淬勵貫穿經傳旁通諸子百家言御史督學大加賞陞命士子從公游命有司周其匱乏自是衣食稍殖即迎養大淑人弘治辛酉舉於鄉明年會試禮部弗第歸營以章公葬事蓋在殯十五年而始克襄事焉已而游太學楓山章先生方以德行道藝爲祭酒一見公即大奇之首告以務實之學然則公在御史之風烈藩臬之政迹巡撫之正直蓋亦養之有素而學之有得乎嘉靖癸巳八月某日葬新塘之原原在崑城之東北陬三十里對遲村南三



子伯曰士淳大學生娶徐仲曰仕淹應天舉人娶毛  
李曰士洵娶李皆從魏莊渠先生游力學自樹女一  
許聘浦應期孫男邦柱辭曰

荷嗟玉巖少歷艱虞肆其力學追究程朱伊誰為友  
魏子莊渠相尚以正子道竝驅粵在御史力鋤姦諛  
兩謫遐驛豺虺與俱陰刺於路剥床以膚

聖明眷直賜環海隅乃陟憲魚伐斥貪酷既進董學  
表正群儒治行高等璽書允俞盜息閩海夙振江陬  
方施經濟烝在當衢天不憖遺一疾淪軀門墻陸載



叔世所  
稱外翰  
人品莫  
有逾此  
者蓋諸  
湖公之  
續耶

紀行不誣賢嗣員員英邁千夫衍厥休問百世有孚  
勒辭美道以告征塗

南陽府教授封翰林院檢討王先生墓碑

先生諱儒字文宗西安鄠縣人也上世河南人中葉  
仕吾高陵不歸又為高陵人曰元亨者著名焉廼後  
三人曰繼祖繼容繼先元末關中兵起繼容繼先避  
兵東亡繼祖載妻子浮渭如鄠霸光終南天下既定  
徙住鄠城北街其歿也猶葬于高陵生子克成不歸  
遂為鄠人云克誠生敬仁敬仁生長清公琰長清公



起家歲貢授大寧知縣改長清知縣廉靜直方有聲  
於其時卒於長清生子高年公鉉載德博厚又通習  
書史練達物情決平里中里人允懷

孝祖朝以高年受有冠帶卒年八十有一配李氏生  
三子長先生也先生隆準奇頰炯目廣輔背厚若負  
進退容止踐猷履義思績先烈年始十五遊學山東  
受蔡氏尚書於布衣蘇生三年而明習乃遂訪孔林  
上鄒嶧登泰山觀海而歸為鄆學生成化辛卯年蒸  
三十舉於陝西試禮部不第曰斯吾長清公之遺憾



以屬予小子者也。今若此果命哉。戊戌遂以乙榜領巴縣教諭。至則日夜規誨。達材成德。士駸駸然易習焉。初巴闕舉人及其滿也。舉三人。秦蜀道險而惡遠。先生懇奉父母行而母難之。乃獨奉高年公往。期亦還後直誕日。與伏臘必望鄜再拜曰。兒苟仕為父母也。今復棲棲萬里外。父母惡在。涕泗俱下。及甲辰大饑。人相食。乃使仲弟多載俸糧歸養父母。餘以及宗族。又移宗族可來者三十人于巴里。人有來巴者亦捐貲使賈買為食。比去巴闕內亦稔。宗族卒無所亡。



弘治己酉改祥符教諭乃上書父母曰前巴道遠惡  
父母不往父雖往又輒還祥符近且坦途也大人宜  
俱往不許曰不許兒且休矣又不許故先生以巴之  
教教祥符者又七年遷南陽府教授時父母已八十  
迎亦不能來遂投狀提學車副使求退車曰茲郡教  
久廢教授前在祥符名有師道宜振茲可勿自便高  
年公聞之又峻拒不許居三年高年公卒得訃泣曰  
兒果背父矣每痛恨輒擊面遂蚤夜行奔喪三年會  
長子九思以史官考績勅封先生翰林院檢討階



徵仕郎所配劉氏封孺人厥後母李卒免喪遂不仕  
日與隱翁逸士以泉石為娛正德己巳九思以檢討  
九年纂修

孝宗實錄成有忤劉瑾同翰林諸君出為吏部主事  
遷員外郎郎中瑾下獄言者謂有罪謫同知壽州會  
天變言者又劾乃致仕是時盜興九思留滯壽州先  
生乃賜之書曰萋菲之說詩人嘆息流言之興聖人  
懼焉故曰衆口鑠金積毀銷骨夫古之君子竭忠其  
主非有所不盡也修身慎行其閱人非不多然往往



惟于說古者彌謗。莫如自修。天地日月。巍乎煥然。亦求無愧於斯已矣。而又何惑焉。父曰。昔吾之在南陽。種楚一畝。諸生胥譁。既久而後定。小子其奚求。九思得書。隕涕曰。夫窮達榮辱在外者也。志道據德在我者也。若頗越以憤初志。為父母憂。九思何敢焉。比歸。季子九峯亦得告。在侍先生方喜甚。此正德壬申事。未幾先生病。明年癸酉十一月十二日。壽七十有五卒矣。所配劉孺。人生四男。長卽九思。丙辰進士。改庶吉士。注翰林檢討。嘗為上經筵講官。次九叙。甲子舉



人九臯義官九峯戊辰進士授河南道監察御史孫  
男子五人瀛癸酉舉人渾沐渭漢女子八人長嫁鄜  
學生楊顯次嫁蓋屋學生徐永圖三餘及曾孫女一  
人俱幼甲戌十一月甲申塋于鄜北六老菴之原其  
辭曰柝自少習知王先生之德淵穆惇愷匪夷所倫  
予高陵東南二十里遺家纍纍十一相傳王大使家  
墓歲清明二人步蹤渡渭南來莫墓而迎途途人叩  
之乃知為王先生所遣之子弟云夫高陵墓距先生  
已五世遠鄜二百里又越灞澹涇渭仁誠少薄者替



矣。先生追念不廢若此。則于其父母宜爾也。語曰。孝其父母者有子。孝其王父母者有孫。海內爭誦翰林文行。御史才賢。舉人翩翩承敬。以爲王先生得於天者之匪常也。抑豈知其誠允篤孝積諸躬而遺於子孫者哉。嗚呼。三代衰。躬行之教不明。漢初毛萇伏勝之徒有遺風焉。康太史謂土先生真其儔也。宜哉。不然。已祥符南陽殊方異俗。其諸生臨別而殞淚去。父而思。又豈其言語能爾乎。嗚呼。休哉。

明監察御史靜軒呂君墓碑



急流思  
退綏死  
無竟若  
公若非  
鐵之錦  
々若乎

君諱秉彝字生之直隸真定晉州人世傳為宋呂榮  
之裔元季曰天章者居晉左之呂家庄有俠義風人  
不敢枉以非生五男子直國初紅兵之起乃南渡  
灣沱遂定居楊家營焉君禮生四子長繼宗繼宗生  
亦四子其季也曰興饒財而嗜善力能扛巨鍾然人  
犯之又多不與校興生二子長曰祥祥生二子仲曰  
瓚元庠生累試率首諸生然卒不第貢為大學生隱  
而耕於野是生君者也君幼即哲靈有遠志嘗與群  
兒戲郡守至儕輩皆驚避去君獨留止問則直對人



已覩其不凡。比為郡庠生。董學先生得所試文。輒傳  
曉畿內士。無弗以為佳也。然積試不第。至正德丁卯  
戊辰始連舉進士。當其三試也。皆可中魁選。乃皆屈  
遜。二三人焉。已巳銓部選為御史。辭弗就。復選為黃  
門給事。又辭弗就。友人詰之。對曰。居諱言之朝。處必  
危之地。享其名而怠其職。非仁趣於始而悔於終。不  
智。予始以親為重。乎既尹章丘。適歲大饑。上官督租  
尤酷。民多逋亡。君乃勸富人輸粟以賑貧窮。民用少  
蘓。是時誅求孔棘。燕趙青兗盜騷然興。所過郡邑十



此交鑒

人佳事

佳文佳

武弁中

有此其

黃山赤

幟乎是

安可纓

繫之也

人宋有春山先生者諱子春官至睦州知府尚郡主

趙氏生二男子曰常卿正卿開寶八年常卿為興安

監鎮正卿與俱來居安仁遂為安仁人正卿生國貞

國貞生芳叔芳叔生通甫通甫生克明克明字友直生

泰泰字俊康洪武中帥萬人來歸

高皇帝授萬戶侯改山西朔州衛正千戶生孟庸孟

雅俊康卒孟庸嗣其官未幾以罪失之其子甫復奮

起武功官至南京鷹揚衛後所副千戶甫字子紱有

勇畧然無子也於是孟雅生子仲翺補翼之官稱鷹



楊君云、鷹揚君娶安人孫氏、生公未久而鷹揚君卒、故公九歲來自安仁嗣、其官輒端重、英敏超越行輩、十五歲選入武學、學馬、卽身自刻勵、不煩督獎、每赴演武教場、夜四鼓起、讀將鑑一篇、場中鼓嚴、乃進食、食且惡、必進三四器、乃上馬去、迢越午矣、不食于市、家人詰之、則對曰、一人之市食、一家之日食也、身通小學四書、史畧七書、將鑑諸籍、又能爲宋趙孟頫書、吳英者、指揮也、廉甚、不苟取、瞰公其同志也、學且優焉、有疑義輒叩門以請、遂爲莫逆交、及公之子麟舉



古道

文如畫  
卷諸

進士矣。謁英英呼之曰姪。勿學他貪墨者。以隕爾父之志。否。雖官至卿相。英不願見也。初公雅好儒學。而職事不遂。謂麟曰。夫讀書可以建功業。濟斯民。吾已已矣。小子其敬之。於是。有趙經先生者。亦于戶也。明經而習舉子業。然遵禮尚志。旬月之間。不越戶閭。篋中藏二青布袍。必祭先壽親。訪賢也。沐浴而後著之。卒事。猶藏焉。公以為賢。遣麟師事。然無以贄也。每獲折俸布帛。以布自衣。以帛贄先生。先生以麟貧。不受。公曰。不贄無以遣吾子也。必贄之。指揮龔海甘貧自



以可愛

守行年七十、好學不倦、謝政閉門、旁開小戶、自搗藥、以賣、其價不二、然好誦孟子、或從趙先生講焉、趙先生後進也、輒正講席而後旁聽之、戚黨有為卿相者、還龔將改服以問、聞其載寶而還也、遂絕跡不往、或恠云、此其門其少龔海者之足執、海死而子勲守學不改人、以為海未死也、夫龔氏父子其介若是不可犯也、獨于公終始敬重不衰焉、公嘗及僚案伐冰入凌室、一士凍餒、跌仆冰地、群士載冰爭馳蹂躪其上、幾死矣、公力闢群士解紳挽出土、得不死、當是時也、



許多好  
人俱載  
可不朽  
也

趙端者、覘之心重其行、遂納交焉。趙端者、趙經先生  
之父也。年且七十、又尊行也。而又敦廉尚義、不妄與  
人者也。遂呼公為兄弟云。一日携公至其家、命家人  
具饌以食。公家無具、移時而不至。公退、端責其子經  
曰：「劉伯春子老所畏服者也、非他家比。今乃不能令  
我完一鷄黍約、耶取大杖杖經、且令出其妻。時麟方  
學于經、奔告公。公趣至。趙氏曰：「朋友與宗室孰重？假  
令經出其妻、再娶弗賢。令爾此孫不立、若何？」趙怒方  
齊、乃令再具饌歡宴而罷。嘗有納戶起解千金取回



佳境

關單誤遺道跡、公曉行獲焉、日候其處三日矣、一人頓足撫胸呌號而來曰、天乎、何殺予之酷乎、公趣而問之、人告之故、公出單與之、其人頓首曰、公德生我矣、酌以數金、咲而不受、公自少嚴正自持、非其人不交、常自悼職事之污、當其志、謂可樹立大勲、以自振也、遂亦以是訓麟、故賓客來謁公者、非其人、麟不出、見後公年過五十、而麟守訓益堅、公又懼麟之絕物也、命改之、而麟已不能矣、然麟既舉進士、而公獨未請老、乃遂與職事安、或議公是前而非後、然考其學



力所至、當非其熟邪、初成國、莊簡公知公懿德、選真  
幕下、居十餘年、忠敬彌篤、莊簡公滋賢之、遇以殊禮、  
奏調廣洋衛右所軍政、莊簡公薨、成國公繼之恩禮、  
益加、年六十、誥封武畧將軍、又數年、乃老、正德辛未  
年八月十日卒、距生正統甲子年二月十三日、壽六  
十有八歲、初娶胡氏、早卒、繼娶蔣氏、蔣卒、又繼娶曳  
氏、胡無子、蔣生男子一人、麟、麟娶南康大長公主曾  
孫女胡、繼娶陝西叅政王徽之女、某舉弘治壬子鄉  
試、丙辰進士、歷刑部主事、員外郎、郎中、出知紹興府、



劉瑾用事時罷去紹興紹興人立去思碑瑾誅詔起  
知子西安府吏靜民懷未幾奔公喪解任服闋丹陛  
陝西叅政云女三人長蘭莖歸南京後留守衛指揮  
楊泰次蘭清歸南京國子助教孫某之子遷次蘭幽  
歸福建按察司僉事彭城之子克思曳生男子一人  
曰鳳女子二人蘭香蘭靜孫男子二人曰通儒聘長  
興吳琬之孫女愛玉曰開儒孫女子一人曰華潛字  
戶科都給事中周金之子詩辭曰嗟乎孔氏之  
學不明久矣世儒博物麗辭為之雖九千祿則邇求



至今仙  
居存其  
坊並數  
處士高  
誼為雙

道則遠則古之所謂異端者。今豈獨楊墨佛老哉。悲夫。然而天命在人。未嘗絕也。故夫齊民武士。於儒者甚耿焉。然就其氣質所至。反有合于道者。今觀劉廣洋公。及其諸友。使受教孔門。安謂其不能升堂也。惜矣乎。然則學者欲自愛者。其知所先乎。

明處士應公暨配貞節陳氏墓碑

公諱宗儒。字紹玄。姓應氏。世為台州仙居之西山人。節軒先生第四子也。節軒偉儀雅度。讀書有才識。而又多行陰德。孚于鄉人。公美髯長大。自幼未嘗為機



壁運城

云

變之巧其治家極嚴有威如嗃嗃之象與人交洞開肺腑無少藏匿見人之善則曰爾若是善也得無福乎見人不善侃侃然語不虞後患雖在賓友親故之間方當從容燕狎之際小不合意輒峻語斥之拂衣裳起去久則復歡如初蓋駸駸乎古之不念舊惡者矣其視人有患難真如疾痛在己力可援拯必使獲安乃已周貧恤乏咸出惻隱雖至傾竭寡衣而缺食不吝也乃年三十而卒在王德九年月日所配夫人陳氏時年二十八號絕抱宛若不欲生七日水漿不入



只此葬皆無越禮公有遺曰二頃積貲亦豐而諸孤  
方孩提宗人有利之者諷使再適不從撼之以凌侮  
不從則托以徃役賦稅日啖月削亦不校也子旦長  
遣事塾師暮歸執業課之其於小學孝經論語諸書  
亦為解其大義至以織紵纂組伴至夜分嘗歲饑饉  
視其倉囤囊箱喟然曰此禍本也悉揮散之而脾脫  
者止厥後家既屢空公有遺焉無所于用或勸售諸  
乃對曰此吾夫子生時所愛者也吾可忍無蓋之義  
乎終不售甘於澹泊未嘗自烹魚牲食肉不過三二



筋居處整肅子孫服食語動稍非禮輒笞責之曾子  
孫相擊鼓戲曰鼓不亂聲門內寂如無人乃弘治庚  
戌子某以其情事聞于朝詔旌其閭所謂貞節者也  
蓋陳父從謙道大姓有學行而陳受性卽淑慎閑於  
姆教云歿年八十有八嗚呼陳與公壽之修短雖不  
等其德皆古之烈丈夫貞女行殊未可優劣也子男  
三覃旭昌孝行重於鄉為分宜縣尉介特不苟有  
漢孝廉方正之風人稱分宜公云孫男七沼湘敏何  
良賓與柙同年進士為翰林編修忠信廣遠厲志于



道枿所資益者多公父子玄積潛遺畜極而發者其在斯乎辭曰

道不虛傳德有後光厥前不偉厥後焉藏譬彼流川泉深委長公之作止有烈其芳漢陳太丘晉王彥方懿厥休配孕此軻滂瑰瑰芝樹毓秀于良同不混俗異不貶方我友敬止為我之明或暗于義或疑于行于厥斯別于方斯將公之休問不啻文章匪其積也行路是諒

明贈孺人林母李氏墓碑



相夫効  
義育子  
象時翁  
曹接賓  
妣之風  
乎存之

孺人李氏者閩一樗散人林先生世贈之配監察御史錢之母也林先生名塗二兄墜壁咸登甲科位躋方伯林先生鄉舉成化丙午以父母既封伯氏皆貴乃同季兄址隱居養親矢絕榮利故一樗散人蓋自道也孺人淑慧均淵學益姆氏既歸林先生克從其高滋懋婦雅日非嬰疾必於鷄鳴而興敏茲宮事曾祖姑方氏祖姑宋氏姑宜人葉氏三世授受閨範不忒是式閩女孺人思續厥懿務昭其家林先生負氣抗直嫉惡浮仇孺人淹淹陰解喪予于易遭舅梅竹



翁及葉宜人喪禮相助莫克殫心力。林先生嘗曰使  
盜庶無罪悔於先人者李氏也。二奴旣從宦居葉宜  
人命顯丙政家衆千指居罔不悅考農課儒門無惰  
食若有名賓嘉客必自洗腆以爲林先生歡暇語  
諸子曰富不與仁遊貴不與賢交。雖錦衣玉食由君子  
視之犬豕耳。故諸子有過輒笞於中庭曰爾輩不見  
鼠僕乎其化爲珪玨者皆玉人推琢之教也。尤虔恭  
先祀粢盛醴醕牲羞籩豆罔弗躬業他日有貸客納  
券蓋林先生之故知也。孺人曰妾聞德在拯舊富在



恤貧。夫子少稱秉義，今乃背之。何居林先生為之愧。  
悔棄券至其周子族，貧不吝金穀，無產者貲，不婚者  
鴈。困于葬者木。其先事啓處，真匍匐救之也。家有酒  
傭，病乞歸。里舟至中江而斃。舟人返載入家。時林先  
生方游藝京燕，孺人召視其妻子，厚與殯殮，猶優恤。  
數月過，贈而返之，則於其親戚可由知也。予素不識  
御史山，居時及今年如京，每閱邸報，見有御史疏多  
公忠凱切，心思見其人，乃今獲撰孺人之碑，則御史  
清豈偶然。然林先生之狀果非黨於其室也。孺人諱



璵字德圭蘓州知府福唐侗菴公廷美配魯宜人者  
其父母也孺人生有男子五人長即御史連舉戊辰  
進士孺人生天順甲申十二月二十六日卒正德戊  
辰四月二十日壽若干歲已葬于卒邑藍田之原矣  
至是林先生作蛻秋石室於歸義里柘岐山將改葬  
孺人焉而御史奉

天子命清戎山東例得還家將焚黃墓下悼痛榮養  
不逮乃欲載碑以歸曰此可以校人心乎嗚呼御史  
痛矣遂為之辭曰族匪而築美難世濟譬彼榮木豈



不猶祇鮑妻提甕歎母績房我觀振古家起女良樗  
叟成隱御史宣仕匪貞匪慈胡然如此維天克明維  
地克平日月運行不離厥經山深木茂葉竿烏噫爾  
德不那福履胡備江出岷山其源如綸群流附引東  
抵海門吁嗟林俊孺遺圭母克敏克榮實相樗父行  
道式瞻閨女中賢于範于模室家千年

廩膳生謝遼妻朱氏貞節墓碑

朱氏淮陽人朱璣之女璣賈宿遷因家其地遂以賢  
豪里人謝遼時為學生未弱冠有材名璣為朱相攸



又年少  
知以節  
裁善矣  
若荀子  
無依養  
孤以俟  
成立為  
是  
死則懷  
慨義則  
從容蓋  
其肝胆  
固如此

歸諸謝氏時達父志良已死母李撫達及弟達以業  
學二子皆奮激向往達未逮強年即晉廩膳而朱內  
勸陰相務必遠至他日達患暴疾朱左右就養衣不  
解帶日夜涕泣進湯必嘗進藥必嘗而身自水漿不  
啜私謂其母蔡曰夫若不虞必與同死慎勿或泄蔡  
以告李二母咸駭交口撫慰越二日達死朱潛引刀  
自裁頸血沾裳家人趨救得不即死於是諸姑伯姊  
百方開悟志不可奪自是口絕粒米杯水不進六日  
不死然朱與義女同卧起歛使視門自經而絕鄰里



遠近罔不嘆息時達死在正德十六年正月二十日  
年三十二歲朱死在同月二十五日年纔二十八歲  
也嘉靖年月日邑尹平度崔侯邦具奏

上聞行勅既允獲茲旌表八年七月邑尹子友渭南  
李侯錦以其墓在馬陵山丘隴零亂不異常人乃豎  
碑表章告諸道諸式殺士女是時達弟遠已為大學  
生矣痛茲兄嫂思昭其烈乃具狀濟江問記是宜有  
辭曰

有烈謝朱受性伊良痛夫殞歿厥躬胡生七日不食



容儒者  
佛偈作  
金作礪

此耕田  
而無道  
者聖賢  
義理如

杜門自經。予或逆父。臣或逆王。身為丈夫。不道是明。  
弱哉謝朱。厥志孔剛。細此生死。大茲綱常。馬陵萃衛。  
崙嶠與方。彼失節者。視爾膽喪。我辭茲石。道跡永  
望。

### 墓碣

#### 冷水居士羅君墓碣

居士諱永高。字仰之。姓羅氏。別號冷水居士。寶慶之  
新化人也。生不識巧偽。日少言笑。隱練行業。兼覽墳  
典。性惡醪醴。口無惡言。而又謙抑敦慤。接者興敬。必



是而足  
安用稜  
稜見異  
求之於  
身固無  
有也  
此節千  
古幾人  
乎

事父母輒極誠允饌必甘旨開顏獻悅他日父疾在  
視湯藥嘗而後進寢食咸廢疾既轉革驚惴無措醫  
云其後甜舌可知劇瘥乃卽竊寧姊適外來乍見私  
問知無瘳理相向痛泣父終悲動閭里殯歛葬祭一  
執古昔之禮宗族稱孝焉他日之野見道傍遺金二  
錠曰此不與收祇苦遺者持歸以俟日遺者至取而  
還之面無德色其人感謝去若遇凍餒餘衣樵食務  
使飽煖歲值荒歉縣令雷侯禮召勸粟以給冠服對  
曰冠服非吾志賑濟實本心鄉黨稱廉焉居常躬行



勤儉以導子孫務農種穀雖古盡力畎畝者又何讓  
焉君子曰孝者所以忠君也廉者所以仁民也力田  
者所以務本也漢文帝嘗下孝廉力田詔至或賜帛  
數百匹其後官補四百石至光武遂以孝廉為尚書  
郎居士而際其時當與鮑宣王吉江革王烈輩後先  
矣初先羅皆世守耕讀邑稱硬頭羅氏至居士之父  
諱銓補邑庠生屢舉不偶隱居教授四方之士多從  
之厥配王氏是生居士然則居士其有所受乎居士  
配盧氏盧卒繼配蕭氏蕭卒繼配白氏子男二長秀



繼娶鄒氏次秀結娶譚氏女子子一嫁為邑人鄒旻  
紀妻皆廬出孫男子五人長愈嘉靖乙酉舉人歷事  
考功司數見其勤於禮而向於正則居士之道畜而  
未發者其待斯人乎次忠次思皆繼子次恩邑庠生  
次憲皆結子孫女子三人曾孫男九人居士生正統  
某年月日卒嘉靖六年丁亥六月十七日享年九十  
歲卒之十月三十日已葬於河圖山先塋至是愈請  
表諸墓辭曰素履癸癸直躬伊嘉行年九十古風寔  
多耄期稱道鬚鬢未皤苟無深積其胡能邀展矣居



章也名光世道  
其節如蒼松古栢其福似慶  
獻

又奚愧邪

明旌表許傑妻章節婦碣

旌表章節婦者績溪許處士諱傑之妻國子生時潤之曾祖母也章氏年十九歲歸傑甫二年傑死生子本玉方閱歲煢煢抱玉立衣食恒缺短或忍餒以乳王王能食食口噤腮中飯以哺王舅姑憫其苦也歆更嫁他氏男章涕泗橫流矢言曰百苦皆身所甘惟天不敢負若撫吾兒成以續吾夫子世死不恨可更嫁以為父母羞死辱於夫子生累於孤兒生不若死



之安也。嫁事請勿復言。遂剪髮破其面瘡以示信。乃又服白山查根殞其斷齒。絕膏沐。不事。日夜紡績。携孤兒呱呱在膝上。所處閨閣嚴如法。閭三尺童子不能進。闕雖同袍兄弟亦踈。往來父母鄉黨咸稱真烈。行年七十終始一節。可對鬼神。於是里老合狀呈縣。縣申兩巡按覈實復奏。獲

聖旨旌表云。王既長成立。造開許氏生子金孫。時潤不忘章苦。恒喇喇對孫子說語至極處。雙淚懸落。口喫咽不能言曰。是吾許氏之有今日也。故時潤自孩



孺聞受深入肝肺、長益繹思、旣樹門坊、復欲鐫碣、涇  
子曰、碣不若時潤之為永也。時潤而能体章之行、  
託祖之言、為學而能堅其心、為官而能固其義、守常  
事而不改、遇變事而不折、載其清風于章、有烈坊雖  
舊而節益光、碣雖泐而名不磨、不在時潤乎。時潤拜  
曰唯唯。



涇野先生文集卷之二十六終